

吳

興

藝

文

補

吳興藝文補卷之三目錄

齊

高帝

王撫軍爲安東吳興詔

王敬則

曲赦四郡詔

武帝

贈沈冲太常誥

沈冲懷文之子

授蕭重休

當作惠休下同

左僕射詔

蕭重休郡守

沈文季加侍中詔

沈文季慶之子郡守

明帝 嘗守吳興

封茹法亮詔 茹法亮武康人

孔琇之 郡守

乞甄吳興王文殊表

顧憲之

西陵增稅議 爲吳興饑民

陸澄

不糾沈憲被劾自理表 沈憲武康人  
烏程令

沈麟士 武康人

易解

答張永書

與沈約書

沈約答書

沈淵

懷文之子

薦沈麟士表

沈冲

懷文之子

承世祖旨奏江謚前後罪

王該

法苑珠林以該爲吳興人

日燭

孟景翼

烏程人

正一論

丘雄

烏程人

乞甲父冠先褒贈書

謝朓

郡守

與弟濬書

濬亦曾爲郡守

吳興藝文補卷之三目錄

終

吳興藝文禰卷之三

烏程董斯張遐周彙編

關元衢康侯奏輯  
韓千秋聖閣增定

齊

王撫軍爲安東吳興詔

高帝

見江淹集

門下震澤殷與撫馭湏才都官尙書撫軍潯陽都開國  
公敬則志幹貞烈秉情開敏忠勤之至形乎出內必能  
綏懷大邦克隆美政

曲赦四郡詔

高帝

藝文補

卷之三

齊文

門下朕興言民瘼昧且求政所以庶存簡惠緝茲治道  
而玉燭未調祥風尙鬱京輔及二吳昔歲水災秋登旣  
罕今茲厲疾罹患者多納隍之歎爲矜良深可臨救揚  
州所統丹陽吳興南徐州所統義興等四郡其遭水尤  
劇之縣自今年以前三調未充而虛例已畢官長局吏  
應其備賞者雖卽事爲愆情在可亮外詳所際以弘優  
澤

贈沈冲太常誥

武帝

冲貞詳閑理志局淹正誠著蕃朝績彰出守不幸早世

朕甚悼之追贈太常謚曰恭子

授蕭重休

當作惠休下同

左僕射詔

見沈約集

門下尚書萬事之本隆督是寄總司頓闕宜速有人征虜將軍吳興太守建安縣開國子蕭重休才學一作淹具通識裁詳允內著嘉庸外敷美政入副朝端僉議斯在可守尚書左僕射餘如故王者施行

沈文季加侍中詔

見沈約集

門下散騎常侍尚書左僕射西豐縣開國侯新除鎮軍將軍沈文季業宇流正鑑識超凡秉茲恭恪誠著匪躬



難起非慮密爾墉圻

疑

罄力盡勤萬雉增固寵服攸加

實爲朝典可侍中僕射新除侯如故王者速施行

封茹法亮詔

明帝

茹法亮近在湓城頻使銜命內宣朝旨外慰三軍義勇  
齊奮人百其氣險阻艱難心力俱盡宜沾茅土以甄忠  
績封望蔡縣男食邑三百戶

乞甄吳興王文殊表

孔琇之

故鄣人王文殊性挺五常心符三教以父沒獲庭懷絕  
身之痛專席常居御園極之卹服紵縞以經年側聽救

以俟命婚義戚於天情官序空於素抱儻降甄異之恩  
勝其閭里

西陵增稅議

顧憲之

時西陵戍主杜元懿建言吳興歲儉會稽年登商旅  
往來倍多常歲西陵牛埭稅官格日三千五百可加  
至一倍并浦陽南北津柳浦四埭乞爲官領攝一年  
格外可長四百許萬武帝以示顧憲之憲之議曰  
始立牛埭之意非苟逼蹴以取稅也乃以風濤迅險濟  
急利物耳後之監領者不達其本各務已功或禁遏他

道或空稅江行按吳興頻歲失稔今茲尤甚去乏從豐  
良由饑棘舊格新減尙未議登格外加倍將以何術元  
懿幸災權利重增困瘼爲公賈怨書云與其有聚歛之  
臣寧有盜臣竊見頃之言便宜者非能於人力之外用  
天分地率皆不宜於人不便於公名與實反有乖政體  
凡如此等誠宜深察

不糾沈憲被劾自理表

陸澄

澄遷御史中丞建元元年驃騎諮議沈憲等坐家奴  
客爲刦子弟被劾憲等晏然左丞任遐奏澄不糾請

免澄官澄上表自理

周稱舊章漢言故事爰自河雒降逮淮海朝之憲度動  
尚先准若乃任情違古率意專造豈謂酌諸故實擇其  
茂典案遐攸彈新除諮議參驃騎大將軍軍事沈憲太  
子庶子沈曠并弟息敕付建康而憲被使曠受假俱無  
歸罪事狀臣以不糾憲等爲失伏尋晉宋左丞案奏不  
乏於時其及中丞者從來殆無王獻之習達朝章近代  
之宗其爲左丞彈司徒屬王濛憚罰白解屬疾遊行初  
不及中丞桓祕不奔山陵左丞鄭襲不彈祕直彈中丞

孔欣時又云別攝蘭臺檢校此徑彈中丞之謂惟左丞  
庾登之奏鎮北檀道濟北伐不進致虎牢陷沒蕃岳宰  
臣引咎謝詈而責帥之劾曾莫奏聞請收治道濟免中  
丞何萬歲夫山陵情敬之極北伐專征之大祕霸季之  
貴道濟元勲之盛所以咎及南司事非常憲然祕事猶  
非及中丞也今若以此爲例恐人之貴賤事之輕重物  
有其倫不可相方左丞江與彈段景文又彈裴方明左  
丞甄法崇彈蕭珍又彈杜驥又彈段國又彈范文伯左  
丞羊玄保又彈蕭汪左丞殷景熙彈張仲仁兼左丞何

承天彈呂萬齡並不歸罪皆爲重劾凡茲十彈差是憲  
曠之比悉無及中丞之議左丞荀萬秋劉藏江謚彈王  
僧朗王雲之陶寶度不及中丞最是近例之明者謚彈  
在今龔鵠之後事行聖照遠取十奏近徵二案自宜依  
以爲體豈得捨而不遵臣竊此人乏謬奉國憲今選所  
糾旣行一時若默而不言則向爲來准後人被繩方當  
追請素食之責貽塵千載所以備舉顯例引通國典雖  
有愚心不在微躬請出臣表付外詳議若所陳非謬哉  
由天鑒

易解

初九潛龍勿用

沈麟士

稱龍者假象也天地之氣有升降君子之道有行藏龍之爲物能飛能潛故潛龍比君子之道也初九旣尙潛伏故言勿用

荅張永書

沈麟士

明府德履冲素爾心山谷民是以被褐負杖忘其疲病必欲飾混沌以蛾眉冠越客於蟬冕走雖不敏請附高節有蹈東海而灰耳未忍受此黥劓

與沈約書

沈麟士

永明中約表薦驛士徵爲太學博士又徵著作卽太子舍人並不就乃與約書

名者實之賓本所不展中央無心空勤南北爲惠反凶將在於斯

沈約答書

獨往之業雖聞前載高塵逸軌罕或共時未嘗不拊袞興懷望古遐矚尊賢拔俗遙然沉冥自遠幽貞之操義高篆策雖將詔不窺城市鄭真名動京師何遠之有名山旣鄉內所豐清川又坐臥可對不出戶庭



而與禽尚齊美哉約少不自涯早愛蟲鳥逐食推遷  
未諧夙願冀幽期可托克全素履與尊弋釣泉臯以  
慰閑暮則生平之心於此遂矣

遺令

沈麟士

氣絕剔被取三幅布以覆屍及歛仍移布於屍下以爲  
歛服反被左右兩際以周上不復製覆被不湏沐浴含  
珠以米襦衫先着禪凡二服上加單衣幅巾履枕棺中  
惟此依士安用孝經旣殯不復立靈座四節及祥權鋪  
席於地以設玄酒之奠人家相承漆棺今不復爾亦不

湏旆成服後卽葬作冢令小後耐更作小冢於濱合葬  
非古也葬不湏聚土成墳使土與地平王祥終制亦爾  
葬不須輻車靈舫魁頭也不得朝夕下食祭奠之法至  
於葬惟清水一盃

薦沈麟士表

南齊書以淵與沈  
約同薦未知誰筆

沈淵

吳興沈麟士英風夙挺峻節早樹貞粹稟於天然綜博  
生平篤習家世孤貧藜藿不給懷書而耕白首無倦挾  
琴採薪行歌不輟長兄早卒孤姪數四攝厓鞠稚吞苦  
推甘年踰七十業行無改元嘉以來聘召仍疊玉質踰

潔霜操日嚴若使聞政王庭服道槐掖必能孚朝規於  
邊鄙播聖澤於荒垂

承世祖旨奏江謐前後罪

沈 沖

謐少懷輕躁長習諂薄交無義合行必利動特以奕世  
吏局見擢宋朝而阿諛內外貨賂公行咎盈憲簡戾彰  
朝聽輿金輦寶取容近習以沈攸之地勝兵強終嘗得  
志委心託身歲暮相結以劉景素親屬望重物應樂推  
獻誠薦子窺齋非望時艱網漏得全首領太祖匪飭天  
地方知遠圖薄其艱洗之瑕許其革音之効加以非分

之寵推以不次之榮列迹勲良比肩朝德以往昔微勤  
刀筆小用賞廊河山任忝出入輕險之性在貴彌彰貪  
賄之情雖富無請重莅湘部顯行斷盜及居銓衡肆意  
受納連席同乘皆諛黷舊侶密筵開讌必貨賂常客理  
合升進者以爲已惠事宜貶退者並稱中旨謂販鬻威  
權姦自不露欺主罔上奸議可掩先帝寢疾彌留人神  
憂震謚托病私舍曾無變容國諱經旬甫暫入殿參訪  
遺詔覘付時旨以身列朝流宜蒙兼帶先顧不逮舊位  
無加遂崇飾惡言肆醜縱悖譏誹朝政訕毀皇猷遍喧

忠賢歷詆台相至于藩岳入授列代恒規勲戚出撫前  
王彝則而謚妄發樞機坐構蹢論復敢貶謫儲后不顧  
辭端毀折宗王每窮舌杪皆云誥誓乖禮崇樹失宜仰  
指天俯畫地希幸災故以申積憤犯上之迹旣彰反噬  
之情已著請免官削爵土收送廷尉獄治罪

日燭

王該

尋夫至道之典暘生歿之源標善惡之報啟陵化之津  
訓戒明白縷羅備矣然信言不美文繁辭宕累寔絕味  
重淵隔浪是以學者未得其門或未之留意雖得咸池

之遠音透爲里巷之近曲假小通大儻可接俗助天揚  
光號曰日燭陶先覺之宏誥啟玄管于靈門周太虛以  
遊眺窈漭蕩而無垠履地勢于方局冠圓天于覆盆緬  
三界之寥廓邁二氣之氤氲尋大造之冥本測化育之  
幽根形假四大而泡散神妙萬物而常存彼良民之達  
分故哀生而怡竟夫含氣之倫其神無方蠢爾之類其  
質無常寄若水勢托若火光隨行繾綣迭枯迭芳往來  
出沒冥冥茫茫洪海環流大變輪迴乘彼遠漂濟來曷  
階宛轉三塗之中沉滯八難之圍愍企竅之無期悼客

作之有歸瞻崇德之可速鑒聚凶之宜遲斯成務之易  
觀匪先見之動微五福起于履是六極構于蹈非理感  
自然冥對玄凝福兮誰造禍兮孰興水運鍾卑人道惡  
矜勞因豐積祉緣謙升童孺正而鬼退丈夫邪而魅陵  
覽形聲之兩偶考休咎之雙徵理投思而合契迹望目  
而相應若圓輪之抱規猶直桷之附繩蒼犬出于帝父  
黃能資于聖子聿徵化而弗救奚天屬之云恃諒求福  
之在躬信爲仁之在已咨吹吸其靡常知忽往其何止  
彼非人之什炭豈無氣之所始悲婉嬖之天祖還託生

于家豕昔鞠育而懷抱今屠剝以爲禮神居妙而恒存  
形受變而易體未一旬而相忘可長歎而流涕夫聞患  
其背然匪伊人之獨爾察寡孕于嘉類悟繁產于蟲豸  
喻零霖其猶希若幡囊之倒米爲囂囂以日日誰識伏  
而達倚匪余情之能測謬聞之以如是若夫倒置之族  
矇矇徒生兵風旣至忽然潛征神道雖昧鬼法尤明徘徊  
中陰徂彼鐵城宵絕望舒晝無曜靈身造竿箠之檻  
足蹈炎炭之庭刀岳霜鏹以積刃劓林翹鋒而肅精陶  
銅汪洋以海涌巨鑊波沸而雷鳴閻王領闕卒傍執釵



三劫一奮百千累羅鷄鷄利嘴煌煌火車銳釘機槍狡  
狗擬牙姪徒燒于幻柱饑囚枯于塵沙資輕妙之靈質  
益痛戮之易加永煩冤以彌劫安斯酷之可過三六峻  
網弗可裂縷千條殊劇萬端異苦靡喘息而不經俄聿  
來而忘宇略一朝以言之將終年而震楚爰有五德無  
玷十淑道全夕惕苦逝慶升九天寶殿晃晃高構虎懸  
瓊房兼百瑤戶摩千金門煥冰精之朗玉巷耀琉璃之  
鮮珠樹列于路側鸞鳳鳴于條間芳華神秀而祭藻香  
風靈飄而飛煙想衣斐疊以被軀念食芬芳以盈前彼

曦和之長邁永一日而萬年無事爲以于性常從容于  
自然映光燦之燦燦眇輕騰之翩翩究妙音之至樂窮  
有生之遐延捨陋世而上躋伴超倫之高遷然夫饗茲  
舊德日用玉食厥土不毛罔施稼穡積畜雖多焉有不  
竭齡祚雖修終焉歸城三災起而宮宇散七證至而天  
祿絕會大秋以考落混椿菌之無別是以如來大聖三  
達洞照哀我困蒙曉了道要善權灑落或麤或妙如溟  
海之運流若天日之垂曜上士虛懷忘其言中才負志  
執其敎教無定方造物所由宜陸以車應水以舟敷設

云云廣衍悠悠駟未塞乎三百要指在乎一幽握累玄  
之綱領遣毛目于網裘宏籠大訓展我智分治無不均  
質有利鈍虛往實歸各足方寸慧黠並誘龍鬼俱化萬  
塗叢歸一由般若譬彼濟海非船莫過驅萬動于道場  
畢無爲而息駕本夫三乘之始同歸一無才照各異致  
用參殊應真忘有而求空遂耽空而恬愉緣覺亮累于  
知微爰遷玄而弗居雖妙迹其再喪猶有遺而未虛開  
士解拘于都盡作■無存其焉除悟之豁于鑒先體之  
冥乎意初理重深而絕韻疇剋諒而業諸自古在昔先

民有遇堂堂蔭映躬受聖喻喁喁整黎耳目仰注或發  
蒙于一咳或革面于一哺並因言而陵化未有人而不  
度善逝迄今道運轉衰大教雖存味之者希梅檀與蓼  
蘇同芬夜光與熠燿齊暉于氏超世綜體玄指嘉遯山  
澤仁感虎兇護公澄寂道德淵美微吟穹谷枯泉漱水  
闕叟登霄衛度係軌咸淡泊于無生俱脫骸而不死今  
則支子特秀領握玄標大業沖粹神風清蕭一言發則  
蘊滯披三幡著則重冥昭見之足以洗鄙吝聞之可以  
落矜驕孫濯流以逸契詠遂初于東臯何深味以棲素

輕大寶于秋毫道風之所扇蕩深達之所逍遙才不難  
則賢不貴愚不笑則聖不高遠聲見陋于近耳孰能忘  
味于聞韶哉奚遑非道何之無神理有精麤物有產真  
大居細君小爲碩臣羽隸隸乎金翅甲屬屬乎須倫兩  
儀宗于太極衆星繫于北辰是以九十六種枝條繁張  
輕道重根躁廢靜王具曰予聖各鎮一方或移山而住  
流或倏忽于存亡命天衣之彩縈爐靈厨之芬芳曜叔  
振旅之  
礫石之琳琅竭變幻之崛奇惜有待  
之無長斯乃數內之甘醇弗如至道之糟糠者也逮乎

列仙之流練形之匹熊經鳥伸呼吸太乙夕餐榆陰與  
素月朝挹陽霞與朱日赤斧長生于服丹涓子翺飛于  
餌木安期久視于松豪豐人輕舉于栢實彼和液之所  
染足支年而駐質中不夷而外猗徙登雲而殞卒俱括  
囊以堅卵固同門而其出理未升于顏堂永封望乎孔  
室貴乎能飛則蛾蝶高翬奇乎難老則龜蛇修考伊逆  
旅之遊氛惟心玄之可寶存形者不足與論神狎俗者  
未可與言道道乎奚言無問無對諮者叩窮應者負內  
默之斯通語焉則置當于素珠與講道吾成罔象與無

謂杌然寂泊玄酬有箴宗鑽浮響莫悟冥音希之彌錯  
搜之愈沉郢人其逝爲誰匠榘設筌蹄乎淵蒼俟魚鬼  
乎川林儻得意于談表共目擊而廢心元運睽條往矣  
斯復忍立賢達忽如涉宿千師誕化肇過一六慈氏方  
隆仰期仁育孰云數遼瞥若瞬目靈轡雖迅緣樞靡窮  
彼無本標我有始終假步烟電之末託息石髓之中知  
畏塗而驚寇迷塵欲之致戎替遠勝而婪近謂奢儉而  
交豐不防枯于未飄旣零落于勁風思反蒂而更秀結  
萬悔其胡充是以大誓之徒燒指穿石冥期無待志與

心歡峻智塹崇慧壁拔津劒揮戒戟想將萌而夷斬情  
向兆而剪剌掃六賊于胷中休五道之長役棋已內治  
總持法忍三世都寂一心豁盡寄耳無明寓目莫准塵  
隨空落穢與虛隕廓焉靈悟因權作尹普濟安度大悲  
誰愍託遽廬以和光常游君乎冥泯任天行與物化如  
蹈水之無軫若乃妙變神奇理不思議大千舞于指掌  
芥子含于須彌四海宅于毛孔七寶永于劫移可信而  
不可尋可由而不可知非談詠之所宜惡毫素之能披  
善乎優陀之言也使夫智者滿于天下人有百頭頭有



百舌舌解百義辨才鋒逸合茲人以讚道猶萬分而未  
一惟覺覺之相歎乃敷暘而彰悉矧愚昧之固陋託狂  
簡而仰述抗螢燭之炯炯欲增暉于毘日者歟嗟乎方  
外靈藏奢遐誕宕衆妙淵玄羣奧無量小成弗藉大言  
橫喪川德之厚于何不有驚聽洪經駭耳崇阜夏典載  
其掌握荒經列其戶牖周旣達而未盡瘼齊諧之小醜  
見鵬鯢而標大不覩烏王與魚母吁乎噫嘻奇桀之事  
積籍眇漫焉可稱記伊皇覽之普綜足探幽而體異何  
近願于剖玉又碩誣乎火熾況下斯而束教趣堯孔之

權餌常專專而守檢懼越蹈于所伺並廢理以證言莫  
觸類以取意徒宏博而繁構更益猜而致忌悟飾智之  
愕物故收翰而輟思寄一隅于梗指俟體信于明識者  
乎

法苑珠林以該爲吳興人

正一論

孟景翼

文惠太子竟陵王子良並好釋法吳興孟景翼爲道  
士太子召入玄圃衆僧大會子良使景翼禮佛景翼  
不肯子良送十地經與之景翼造正一論掌故載而不詳

寶積云佛以一音廣說法老子云聖人抱一以爲天下  
式一之爲妙空玄絕于有境神化瞻于無窮爲萬物而  
無爲處一數而無數莫之能名強號爲一在佛曰實相  
在道曰玄牝道之大象卽佛之法身以不守之守守法  
身以不執之執執大象但佛有八萬四千行說存八萬  
四千法法乃至於無數行亦達於無央等級隨緣須導  
歸一歸一曰回向回正卽無邪邪觀旣遣億善日新三  
五四六隨用而施獨立不改絕學無憂曠劫諸聖共遵  
斯一老釋未始於嘗分迷者分之而未合億善徧修修

徧成聖雖十號千稱終不能盡終不能盡豈可思議

乞申父冠先褒贈書

丘雄

永明中丘冠先使孺孺不屈節而死武帝以其不辱  
命以錢一萬布三十疋賜雄雄不受上書求贈不省  
臣父執節如蘇武守死如谷吉遂不書之良史甄之褒  
贈萬代之後誰死社稷先建元四年車僧朗啣使不異  
抗節是同詔贈正員外郎此天朝舊準臣父成例也今  
僧朗反葬塚塋臣父湮棄絕域語忠烈則亦不謝車論  
荼苦則彼優而此劇各位不殊禮數宜等乞申褒贈

與弟瀹書

謝朓

朓侍中求出爲吳興太守明帝謀入嗣位引朝廷舊臣朓內圖止足且實避事弟瀹時爲吏部尙書朓至郡致瀹數斛酒還書

可力飲此勿豫人事

人牘云今致數斛酒可力飲酒勿豫人事

吳興藝文補卷之三

吳興藝文補卷之四目錄

梁

武帝

喻吳興太守袁昂書

勅豫州刺史李元履

爲郡守袁昂

答袁昂謝啓

勅沈約撰佛記序

又勅

擢沈崇僚太子洗馬詔

沈崇僚武康人懷明之子

贈丘仲孚黃門郎誥  
丘仲孚靈鞠從孫

手勅沈衆  
沈衆沈約孫

簡文帝

答安吉公主餉胡子一頭書

元帝

敕杜龕  
郡守

敕報司徒王僧辯  
爲沈炯武康人

敬帝

進陳武帝爲長城公詔  
陳武帝長興人

陳公九錫文

禪陳王策文

禪陳王璽書

袁昂

答梁武帝書

謝梁武帝啓

沈約

武康人

上宋書表

到著作省表



致仕表

拜尚書令到都上表

讓僕射表

讓五兵尚書表

謝封建昌侯表

謝母封建昌國太夫人表

爲長城公主謝表

連珠二首

送育王像并上錢勣等書

臨終勸加篤信啓

冠子祝文

評詩

究竟慈悲論

任昉

與沈約書

陸厥

與沈約問聲韻書

沈約答書

樂藹

與右率沈約書

沈約答書

釋法雲

與少傅沈約書

沈約答書

吳均

安吉人

爲揚州建安王讓司徒表

連珠二首

與朱元思書

檄江神責周穆王壁文

食移

餅說

齊春秋

丘遲

烏程人靈翰子

爲范尚書拜表

爲范衛軍讓梁臺侍中表

爲何尚書重讓侍中領驍騎表

藝文補

卷之四

目次

四

爲柳僕射讓光祿表

爲王博士讓表

永嘉郡教

答舉秀才啓

爲范雲謝示毛龜啓

與陳伯之書

侍中吏部尚書何府君誄

硯銘

丘仲孚

答神滅論啓

沈續

吳興人

大梁皇帝立神明成佛義記序注

答神滅論啓

沈璇

約之子

太子僕射簡寂觀碑

陸靜修吳興東遷人于廬山成道謚簡寂故觀卽以此名

張纘

故左民尚書忠子沈僧旻墓志銘

沈僧旻君理之祖

陸倕

藝文補

卷之四

五

與僕射徐勉薦吳興沈峻書

沈峻武康人  
本縣令

吳興藝文補卷之四

烏程董斯張遐周彙編

閔元衢康侯叅輯

韓昌箕仲弓增定

梁

喻吳興太守袁昂書

武帝

永元末帝起兵州郡望風降昂獨拒境帝手書諭之  
夫禍福無門興亡有數天之所棄人孰能匡機來不再  
圖之宜早頃藉聽道路永欲狼顧一隅既未喻雅懷聊  
申往意獨夫狂悖振古未聞竊凶極虐歲月茲甚天未

藝文補

卷之四

梁文



絕齊聖明戡運兆民有賴百姓來蘓吾荷任前驅掃除  
京邑方撥亂反正伐罪弔民至止以來前無橫陣今皇  
威四臨長圍已合選邇畢集人神同奮銳卒萬計鐵馬  
千羣以此攻戰何往不克况建業孤城人懷離阻面縛  
軍門日夕相繼屠潰之期當不云遠兼熒惑出端門大  
白入氏室天文表於上人事符於下不謀同契實在茲  
辰且范岫申請久薦誠款各率所守仍爲犄角沈法瑀  
孫胥朱端已先肅清吳會而足下欲以區區之郡禦堂  
堂之師根本旣傾枝葉安附童兒牧豎庸謂其非末之

明鑒實所未達今竭力昏主未足爲忠家門屠滅非所  
謂孝忠孝俱盡將欲何依豈若翻然改圖自招多福進  
則遠害全身退則長守祿位去就之宜幸加詳擇若執  
迷遂往同惡不悛大軍一臨誅及三族雖貽後悔寧復  
云補欲布所懷故致今白

勅豫州刺史李元履

武帝

袁昂道素之門世有忠節天下須其容之勿以兵威陵  
辱

荅袁昂謝啓

武帝

朕遺射鉤帶無自外

勅沈約撰佛記序

武帝

去歲令虞闡等撰佛記并令作序序體不稱頻治改猶未盡致尋佛教因三假以寄法藉二諦以明理達相求宗不著會道論其指歸似未至極乃不應以此相煩亦是一途善事可得爲厝筆不以故指勅闡等結序末體又似小異

又勅

武帝

記序始得看今勅繕寫流布

擢沈崇僚太子洗馬詔

武帝

前軍沈崇僚少有志行居喪踰禮齋制不終未得大葬  
自以行乞淹年哀典多闕方欲以永慕之辰更爲再蕃  
之始雖卽情可矜禮有明斷可便令除釋擢補太子洗  
馬旌彼門閭敦茲風教

贈丘仲孚黃門郎誥

武帝

豫章內史丘仲孚重試大邦責以後效非直悔吝云亡  
實亦政績克舉不幸殞喪良以傷惻可贈給事黃門侍郎  
卽

手勅沈衆

武帝

衆爲太子舍人武帝制千字詩衆爲之注解令衆爲  
竹賦賦奏帝善之手勅荅曰

卿文體翩翩可謂無忝爾祖

荅安吉公主餉胡子一頭書

簡文帝

方言異俗極有可觀山高水遠宛在其貌不使去來執  
轡嬈彼青衣正當出入燒香還依丹轂豈直王濟女奴  
猶有羅襦方便樂府行胡笙論歌舞垂資新奇伏增荷  
悵

敕柱龕

元帝

顏晃字元明瑯邪臨沂人承聖初爲中書侍郎龕爲  
吳興太守專好勇力其所部多輕險少年世祖患之  
乃使晃管其書翰仍勅龕

卿年時尚少習讀未晚顏晃文學之士使相毗佐造次  
之間必宜諮稟

勅報司徒王僧辯

元帝

帝於荊州卽位徵孔奐及沈炯並令西上僧辯累表  
請留之帝手勅曰

孔沈二士今且借公

進陳武帝爲長城公詔

敬帝

見徐陵集

德懋懋官功懋懋賞皇王盛則所謂元龜司空公南徐州刺史長城縣開國侯諱志懷寅亮風度宏遠體文經武明允篤誠曩者率五嶺之疆兵誅四海之讐敵固以勒功彝鼎書勲太常克定京師勤勞自重自鎮撫枌榆永寧豐沛東京旣息北蔡無歸代馬燕犀氣雄天下裏糧坐甲固敵是求方欲大討于秦嶠敦修於與睦叶謀上相爰納朕躬思所以敬荅忠勲用申朝典可進爵爲

長城縣公

陳公九錫文

敬帝見徐陵集

大哉乾元資日月以貞觀至哉坤元憑山川以載物故  
惟天爲大陟配者欽明惟王建國翼輔者齊聖是以文  
武之佐磻溪蘊其玉璜堯舜之臣滎河鏤其金版況乎  
體得一之鴻姿寧陽九之危厄拯橫流於碣石撲燎火  
於崑岑驅馭於韋彭跨蹶於秦晉神功行而靡用聖道  
運而無名者乎今將授公典策其敬聽朕命日者昊天  
不弔鍾亂於我國家網漏吞舟疆胡內鼎茫宇宙慄



燹黎元方足圓顱萬不遺一太清否亢橋山之痛已深  
大寶屯如平陽之禍相繼上宰膺運康救兆民鞠旅於  
滇池之南揚旌於桂嶺之北懸三光於已墜謚四海於  
羣飛屠羿獫狫於中原斲鯨鯢於濛汜蕩寧上國光啟中  
興此則公之大造於皇家者也既而天未悔禍夷醜薦  
臻南夏崩騰西京蕩覆羣胡孔熾藉亂乘間推納藩枝  
盜假神器冢司昏撓旁引寇讎既見貶於桐官方謀危  
於漢閣皇運已殆何殊贅旒中國摧然非徒如綫公赫  
然投袂匡救本朝復莒齊都平戎王室朕所以還膺寶

歷重履宸居挹建武之風猷詞宣王之雅頌此又公之  
再造於皇家者也公應務之初登庸惟始三川五嶺莫  
不窺臨銀洞珠宮所在寧謐孫盧肇累越貊爲災番部  
貼危勢將淪殄公赤旗所指祆壘洞開白羽纔搗兇徒  
粉潰非其神武久喪南藩此又公之功也大同之末邊  
政不修李賁狂迷竊我交愛敢稱大號驕恣甚於尉陀  
據有連州雄豪熾於梁碩公英暮雄筭電掃風行馳御  
樓船直跨滄海新昌典徹備履艱難蘓歷嘉寧盡爲京  
觀三山獠洞八角蠻陬逃矣水寓之鄉悠哉火山之國

馬援之所不屆陶璜之所未開莫不懼我王靈爭朝邊  
候歸琛天府獻狀鴻臚此又公之功也自寇虜陵江宮  
闔幽辱公枕戈嘗膽提劔撫心氣涌青霄神飛紫闥而  
番禺連率本自諸夷言得其朋是懷同惡公使此忠誠  
乘機勦定執沛令而梟鼓平新野而據鞍此又公之功  
也世道初艱方隅多難勲門桀黠作亂衡疑兵切池隍  
衆兼夷獠公以國盜邊警知無不爲卹是同盟誅其醜  
顛莫不魚驚鳥散面縛頭懸南土黔黎重保賴息此文  
公之功也長驅嶺嶠夢想京畿緣道酋豪進爲榛梗路

義渠率全據大都蓄聚逋逃方謀阻亂百樓不戰雲梯  
之所未窺萬弩齊張高輜之所非敵公龍驤虎步嘯吒  
風雲山靡堅城野無彊陣清祆氛於瀕石滅沴氣於雲  
都此又公之功也遷仕凶慝屯據大臯乞活頻馬騰之  
軍流民多杜歿之衆推鋒轉鬪自北徂南頻歲稽誅實  
惟勅虜公坐揮三畧遙制六奇義勇同心貔貅騁力雷  
奔電擊谷靜山空列郡無犬吠之驚叢祠罷狐鳴之盜  
此又公之功也王師討虜次屆淪波兵乏蕪儲士有饑  
色公回麾蠡澤積穀巴丘億庾之詠斯豐壺漿之迎是

衆軍民轉漕曾無砥柱之難艫舳相望如運敖倉之府  
犀渠貝冑顧蔑雷霆高艦層樓仰捫霄漢故使三軍勇  
銳百戰無前承此兵糧遂殄兇逆此又公之功也若夫  
英圖邁俗義旅如雲湓壘猜攜用淹戎畧公志惟同獎  
師克在和鵠塞非虞鴻門是會若晉侯之誓白水如蕭  
王之推赤心屈禮交盟人祇感咽故能使舟師並路遠  
邇朋心此又公之功也姑熟襟要峭雨阻憑寇虜據其  
關梁大盜負其肩鏞公一校裁撫三雄並奮左賢右角  
沙潰土崩木甲殪於中原瓊裘赴於江水他他藉藉萬

計千羣鄂坂之隘斯開夷庚之道無塞此又公之功也  
義軍大衆俱集帝京逆豎兇徒猶屯皇邑若夫表襄山  
河金湯嶮固疏龍首以抗殿掄華嶽以爲城雜虜憑焉  
強兵自若公回茲地軸抗此天羅曾不崇朝俾無遺隳  
軍容甚穠國政方修物重覩於衣冠民還瞻於禮樂楚  
人滿道爭覩於葉公漢老銜悲俱歡於司隸此又公之  
功也內難初靖諸侯出關外郡傳烽鮮卑犯塞莫非且  
渠當戶中貴名王冀馬列於淮南胡笳動於徐北公舟  
師步甲亘野橫江濺厥羣羝遂殫封豨莫不絰木而止

戎車靡遺遇澤而旋歸驟盡殪此又公之功也公克黜  
禍難劬勞王室而孫賓之黨翻救狄心伊洛之間咸爲  
虜戍雖金陵佳氣石壘天嚴朝聞戎塵夜喧胡鼓公三  
籌旣畫八陣斯張裁舉靈鉦亦扣金僕咸俘醜類悉反  
高墉異李廣之皆誅同龐元之盡赦此又公之功也任  
約叛渙梟聲不悛戎羯貪婪狼心無改穹廬羶幕抵北  
闕而爲營烏孫天馬指東都而成陣公左甄右落箕張  
翼舒掃是機搶驅其獫狁長狄之種埋於國門椎髻之  
酋烹於軍市投秦坑而盡沸噓漢水而不流此又公之

功也一相居中自折彝鼎五湖小守妄懷同惡公夙駕  
兼道秉羽校戈玉斧將揮金鉏且戒祇酋震懾遠請灰  
釘焚櫬以表其含弘焚書以安其反側此又公之功也  
賊龕兇橫陵虐具區阻兵安忍憑災怙亂自古蟲言鳥  
跡混沌洪荒凡或虔劉未此殘酷公雖宗居汝潁世寓  
東南育聖誕賢之鄉含章挺生之地眷言桑梓公私憤  
切卓爾英狀承規奉算戮此大憝如烹小鮮此又公之  
功也亂離永久羣盜孔多浙左兇渠連兵構逆豈止千  
兵五校白雀黃龍已哉公以中軍無率選是競賢奸寇



途窮漼然冰泮刑塘之所文命動其大威雷門之間勾踐行其嚴戮英規聖跡異代同風此又公之功也同姓有扈頑兇不賓憑藉宗盟圖危社稷觀兵滙澤勢震京師驅率南蠻已爲東帝公論兵於廟堂之上決勝於罇俎之間寇賈樊滕浮江下瀨一朝揃撲無待旬師萬里澄清非勞新息此又公之功也豫章祇寇依憑山澤繕甲完聚各歷歲時結從連橫爰洎交廣呂嘉旣獲吳淠已摧命我還師征其不恪連營盡拔僞黨斯擒曜聖武於匡山回神旌於繇泝此又公之功也自八紘九野爪

剖豆分竊帝偷王連州比縣公武靈已暢文德又宣折  
簡馳書風猷斯遠至於蒼蒼浴日杳杳無雷北洎丈夫  
之鄉南踰女子之國莫不屈膝膜拜求吏款關此又公  
之功也京師禍亂亟積寒暄雙闕低昂九門寥豁寧秦  
官之可顧豈魯殿之猶存五都箝并百僚卿士胡服纓  
纓咸爲戎俗高冠厚履希復華風宋微子麥穗之歌周  
大夫黍離之歎方之於斯未足爲悲矣公求衣昧且具  
食高春典構官闈具瞻遐邇郊庠宗稷之典六符十箴  
之章還聞太始之風流重覩永平之遺事此又公之功

也公有濟天下之勲重之以明德凝神體道合德符天  
用百姓以爲心隨萬機而成務恥一物非唐虞之民歸  
含靈於仁壽之域上德不德無爲以爲夏長春生顯仁  
藏用忠信爲寶風雨弗愆仁惠爲基牛羊勿踐功成治  
定樂奏咸雲安上治民禮教文質物色丘園衣裾里巷  
朝多君子野無遺賢菽粟同水火之饒工商富倚頓之  
旅是以天無蘊寶地有呈祥嶠露卿雲朝團曉映山車  
澤馬服馭登閑旣景煥於圖書方歲牲於史牒高勲踰  
於象緯積德冠於嵩華固無得而稱者矣朕又聞之前

王宰世茂賞尊賢式樹蕃長總征羣伯二南崇絕四履  
遐曠泱泱表海祚土維齊巖巖泰山俾侯於魯抑又勤  
王反鄭夾輔遷周召伯之命斯隆河陽之禮咸備況復  
經營宇宙寧惟斷鰲足之功弘濟蒼生非直鑿龍門之  
鑿而疇庸報德寢爾無聞朕所以垂拱當宇載懷慚悸  
青也今授公相國以南豫州之陳留南丹陽宣城揚州  
之吳興東陽新安新寧南徐州之義興江州之鄱陽臨  
川十郡封公爲陳公錫茲青土苴以白茅爰定爾邦用  
建冢社昔旦奭分陲俱爲保師晉鄭諸侯咸作卿士兼

其內外禮實攸宜今命使持節兼太尉王通授相國印  
綬陳公璽綬使持節兼司空王瑒授陳公茅土金虎符  
第一至第五左竹使符第一至第十相國秩踰三鉉任  
總百司位絕朝班禮繇事革其以相國總百揆除錄尚  
書之號上所假節侍中貂蟬中書監印章內外都督太  
傅印綬義興公印策其鎮衛大將軍揚州牧如故又加  
公九錫其敬聽後命以公禮爲楨榦律等銜策四維皆  
舉八柄有章是用錫公大輅戎輅各一玄牡二駟以公  
賤甯崇穀疏爵待農室富京坻民知榮辱是用錫公裘

冕之服赤舄副焉以公調理陰陽燮諧風雅三靈允降  
萬國同和是用錫公軒縣之樂六佾之舞以公宣導王  
猷弘闡風教光景所照鞬象必通是用錫公朱戶以居  
以公抑揚清濁褒德進賢髦士盈朝幽人虛谷是用錫  
公納陛以登以公巍然廊廟爲世鎔範折衝四表臨御  
八荒是用錫公虎賁之士三百人以公執茲明罰期在  
刑措象恭無赦于紀必誅是用錫公斧鉞各一以公英  
猷遠量跨厲嵩溟包一車書括囊寰宇是用錫公彤弓  
一彤矢百旅弓十旅矢千以公天經地義貫徹幽明春

露秋霜允恭棗盛是用錫公秬鬯一鹵圭瓚副焉陳國  
置丞相以下一遵舊式往欽哉其恭循朕命克相皇天  
弘建邦家允興洪業以光我高祖之休命

禪陳王策文

敬 帝

咨爾陳王惟昔上古厥初生民驪連栗陸之前容成太  
庭之代鉉結繩寫鳥杳其慌忽故靡得而詳焉自羲農  
軒昊之君陶唐有虞之王或垂衣而御四海或無爲而  
子萬姓居之如馭朽索去之如脫敝屣載過許由便能  
捨帝暫逢善卷卽以讓王故知玄扈璇璣非關尊貴金

根玉輅示表君臨及南觀河渚東沈刻壁精華旣竭耄  
勤已倦則抗首而笑唯賢是與謗然作歌簡能斯授還  
風餘烈昭晰圖書漢魏因循是爲故實宋齊授受又弘  
斯義我高祖應期撫運握樞御宇三后重光祖宗齊聖  
及時屬陽九封豕薦食西都失馭夷狄交侵乃裊天成  
輕弄龜鼎懔懔黔首若崩厥角徽徽皇極將甚綴旒惟  
王乃聖乃神欽明文思二儀並運四時合序天錫智勇  
人挺雄傑珠庭日角龍行虎步爰初投袂日廼勤王電  
掃番禺雲撒彭蠡捕其元惡定我京畿及王賀帝弘貿



茲冠屨旣行伊霍用保冲人震澤稽陰金懷叛逆猷  
醜虜三亂皇都裁命偏師二邦自殄薄伐獫狁六戎盡  
殪嶺南叛渙湘郢結連賊帥旣擒兇渠傳首用能百揆  
時序四門允穆無思不服無遠不届上達穹昊下漏深  
泉蛟魚竝見謳歌攸屬况乎長彗橫天已徵布新之兆  
璧日斯實表更姓之符是以始創義師紫雲曜彩肇  
惟尊主黃龍負舟楫矢素輦梯山以至白環玉玦慕德  
而臻若夫安國字萌本因萬物之志時乘御之良會樂  
推之心七百無常期皇王非一族昔木德旣季而傳祚

于我有梁天之歷數允集明哲式遵前典廣詢羣議王公卿尹莫不攸屬敬從人祇之願授帝位于爾躬四海困窮天祿永終王其允執厥中軌儀前式以副溥天之望禮祀上帝時膺大禮永固洪業豈不盛歟

禪陳璽書

敬帝

見徐陵集

君子者自昭明德達人者先天弗違故能進退咸亨動靜元吉朕雖蒙寡庶乎景行何則三才剖判九有區分情性相乖亂離云起是以建彼司牧推乎聖賢授受者任其時來皇王者本非一族人謀是與屈已從萬物之

心天意斯歸鞠躬奉百靈之命謳歌所往則攘袂以膺  
之菁華已竭乃褰裳而去之昔在唐虞鑒于天道舉其  
黎獻授彼明哲雖復質文殊軌沿革不同歷代因循斯  
風靡替我大梁所以考庸太室接禮武宮月正元日受  
終文祖但運不常夷道無恒泰山岳傾偃河海沸騰電  
目雷聲之禽鉤爪鋸牙之獸咀齧含生不知紀極二后  
英聖相仍在天六夷貪狡爭侵中國縣王都帝人懷于  
紀一民尺土皆非梁地朕以不造幼罹閔凶仰憑衡佐  
亟移年序周成漢惠邈矣無階惟是童蒙必貽顛蹶若

使時無聖哲世靡難猶當高蹈於滄洲自求於泰伯  
者矣惟王應期誕秀開錄握圖性道故其難聞嘉庸已  
其被物軌行同其燾覆日御比其貞明登承聖於復禹  
之功樹鞠子於興周之業滅陸渾於伊洛殲驩戎於鎬  
京大小二震之駟徒東南兩越之勅寇遽行天討無遺  
神策於是祖述堯舜憲章文武大樂與天地同和大禮  
與天地同節鼓之以雷霆潤之以風雨仁霑蔭華信及  
於魚殷牖斯空夏臺虛設民惟大畜野有同人升平頌  
乎無偏無黨固以雲飛紫蓋水躍黃龍東伐西征瞻映

川陸榮光曖曖已冒郊廛甘露瀼瀼亟流庭苑車轍馬  
跡誰不率從蟠水流沙誰不懷德祥圖遠至非唯赤伏  
之符靈命昭然何止黃星之氣海口河目賢聖之表旣  
彰握旄執鉞君人之狀斯偉且自攝提無紀孟陬殄滅  
枉矢霄飛天弧曉映久矣夷羊之在牧時哉蛟龍之出  
泉韋運之兆咸徵惟新之符並集朕所以欽若勛華屬  
回星琯昔者木運斯盡予高祖受焉今歷去炎精神歸  
樞紐敬以火德傳于爾陳遠鑒前王近謀羣辟明靈有  
悅率土同心今遣使持節兼太保侍中尚書左僕射平

樂亭侯王通兼太尉司徒左長史王瑒奉皇帝璽綬受  
終之禮一依唐虞故事王其時陟元后寧育兆民光闡  
洪猷以承昊天之休命

答梁武帝書

袁 昂

都史至辱誨承藉以衆論謂僕有勤王之舉兼蒙誚責  
獨無送款循復嚴旨若臨萬仞三吳內地非用兵之所  
況以偏隅一郡何能爲役近奉敕以此境多虞見使安  
慰自承麾旆屈止莫不膝袒軍門唯僕一人敢後至者  
正以內懷庸素文武無施直是陳國賤男子耳雖欲獻

心不增大軍之勇置其愚默寧沮衆師之威幸藉將軍  
含弘之大可得從容以禮竊以一殮微施尚復投殞况  
食人之祿而頓忘一旦非唯物議不可亦恐明公鄙之  
所以躊躇未遑薦璧遂以輕微爰降重命震灼於心忘  
其所厝誠推璲鑒猶懼威臨

謝梁武帝啟

袁 昂

天監二年以昂爲後軍臨川王叅軍昂啟謝

恩隆絕望之辰慶集寒心之日焰灰非喻莫枯未擬樞  
衣聚足顛損不勝臣編歷三墳講詳六典巡按賞罰之

科滿檢生死之律莫不嚴五辟於明君之朝峻三章於  
聖主之日是以塗山始會致防風之誅鄴邑方構有崇  
侯之伐未有緩憲於斷戮之人貽刑於酎罪之族出萬  
死入一生如臣者也唯恩及罪在臣實大披心瀝血敢  
乞言之臣東國賤人學行何取旣殊鳴鴈直水固無結  
綬彈冠徒藉羽儀易農就仕往年濫職守秩東隅仰屬  
興行風驅電捲當其時也負鼎圖者日至執玉帛者相  
望獨忘愚臣瑱昏大義徇鴻毛之輕忘同德之重但三  
吳險薄五湖交通屢起田儉之變每懼殷通之禍寧慕



君魚係境遂失師涓抱髀後至者斬臣其斯戮明刑徇  
衆誰曰不然幸國約法之弘承解網之宥猶當降等薪  
爓遂乃頽釋鉗赭斂骨吹魂還編黔庶濯疵蕩穢入楚  
遊陳天波旣洗雲油遽沐古人有言非死之難處死之  
難臣之所荷曠古不書臣之所死未知何地

上宋書表

沈約

臣約言臣聞大禹刊木跡炳虞書西伯戡黎功煥商典  
伏惟皇基積峻帝烈弘深樹德往朝立勲前代若不觀  
風唐世無以見帝嬀之矣自非覩亂秦餘何用知漢祖

之業是以寧言未記爰勸天情曲詔史官追述大典臣  
實庸妄文吏多闕以茲不才對揚盛旨是用夕惕兢懷  
忘其饗食者也臣約頓首死罪竊惟宋氏南面承歷統  
天雖世第八主年減百載而兵車亟動國運屢屯晉文  
簡牘事數繁廣若夫英主啟基名臣建績拯世夷難之  
功配天光宅之運亦足以勒銘鐘鼎昭被方策及厯后  
累朝前王罕二國累家禍曠古未書又可以式矧萬葉  
作鑒于後宋故著作郎何承天始撰宋書草立紀傳止  
於武帝功臣篇牘未廣其所撰志惟天文律歷自此外

悉奉朝請山讓之讓之孝建初又被詔撰述尋值病  
亡仍使南臺侍御史蘇寶生續造諸傳元嘉名臣皆其  
所撰寶生被誅大明中又命著作郎徐爰踵成前作爰  
因何蘓所述勒爲一史起自義熙之初訖于大明之末  
至於臧質魯爽王僧達諸傳又皆孝武所造自永光以  
來至於禪讓十餘年內闕而不續一代典文始末未舉  
且事屬當時多非實錄又立傳之方取捨乖衷進退時  
肯退傍世情卽之方來難以取信臣今謹更創立製成  
新史始自義熙肇號終於昇明三年桓玄譙縱盧循馬

魯之徒身爲晉賊非關後代吳隱謝混都僧施義止前  
朝不宜濫入宋典劉毅何無忌魏詠之檀憑之孟昶諸  
葛長民志在興復情非造宋今並刊除歸之晉籍臣遠  
愧南董近謝遷固以閭閻小才述一代盛典屬辭比事  
望古慚良鞠躬踴躋覲汗厠厝本紀列傳繕寫已畢合  
志表七十卷臣今謹奏呈所撰諸志瀕成續上謹條目  
錄詣省拜表奉書以聞臣約誠惶誠恐頓首頓首死罪  
死罪

到著作省表

沈約

臣約言卽日被召以本官兼今職臣藝不博古學謝寡  
家乏懷鉛之志慙夢腸之術聯事乖善握蘭慚良謬勒  
斷蛇之符預刊冰河之業路遙難騁才弱未勝而神工  
曲造雕綢彌疊珥筆史觀記言文府趨奉載揚腴懽交  
顏

致仕表

沈 綽

從以桑榆無幾時制行及不朝之禮忽在今辰使反身  
敝廬待終窳巷臣又聞之縣車散髮其來舊矣昔廣德  
請骸義在量力二疎知止懼貽後悔數年以來稍就盡

竭氣力衰耗不自支持若蒙天地大恩造物洪施拯其  
陷溺之切救其害盈之災譬彼日晏綴榮終朝踟躕夕  
景少觀盛化宅壤歸泉自無云幾所仁仰澤事止寸陰  
拜尚書令到都上表

沈約

竊位之譏允當斯責王命私誥有寧相傾汕雲湛露從  
降旻昊之德弱縞輕蟬不載立嶽之重登階望席悅焉  
失步

讓僕射表

沈約

臣聞役壯休老上典所優晨行暮息事身恒分若夫玄

黃未已非秋駕之衛筋力爲用豈強飭之時養老杖鄉  
抑推前典服戎告謝親學匪任宿肉極其虛憊歲制防  
其不辜實所以蠲假衰疾收屏淪暮

讓五兵尚書表

沈約

臣聞百舍之趙非有春所資千里之越豈一羣能涉何  
者裝輕適於路遠舟弱疲於濟深醜貌悴容不籍鑒於  
滴水驚足蹇步終取躓於鹽車

謝封建昌侯表

沈約

陛下拔袂萬里拯厥塗炭臣雖心不吮堯而迹淪桀犬

此刪王業始基臣所不與徒荷日月之私竟無蒸燭之用天命玄鳥非止今日受命作周其來久矣雖復備數樂推與同謳頌而誠微弱草效闕纖塵遂班山河之藩叨佐命之賞亦何以慰悅帷帳酬報爪牙

謝母封建昌國太夫人表

沈約

伏見詔書以臣母封爲建昌國太夫人慶溢蓬門榮流素族恭荷屏營罔識攸寘臣稟訓私闡志塗靡立効以爲義誠有由然輸力致身曾無萬一天慈罔已至德彌光探其私志降此洪澤榮親之至始自微臣率斯道也



方流萬物草卉輕命固莫云酬

爲長城公主謝表

沈約

奉策書封妾爲長城縣公主徽命降臨慚腆妄冀妾膺  
靈稟氣育景璇閨弱志易淪柔德難樹雖復式修姆保  
莫敢或違而肅雍不著穠華蓋闕不悟宸暉曲漸彞章  
夙貢籍此恩加遽延典策湯沐光啟珩緹昭被

連珠二首

沈約

臣聞烈風雖震不斷蔓草之根朽壤誠微遂實崇山之  
峭是以一夫不經一作佳威于赫怒千乘必致亡于巧笑

臣聞鳴籟受響非有志于要風涓流長邁寧厝心於歸  
海是以萬竅怒號不叩而咸應百川是納用卑而爲宰  
送育王像并上錢燭等啟

沈約

竊以無名無色理絕應感不身卽身猶觀願力惟願燈  
明道成長爲人喜之侶菩提無上永廁千子之蹤

臨終勸加篤信啟

沈約

臣約言臣抱疾彌留迄今卽化形神欲離月已十數窮  
楚極毒無言以喻平日健時不言若此舉刀坐劒比此  
爲輕卽惟深入法門厲茲苦節內矜外恕實本人情伏

願聖心重加推廣微臣臨塗無復遺恨雖慚也善庶等  
鳴哀謹啟

冠子祝文

沈約

蠲茲今日元服肇加成德既舉童心自化行之則至無  
謂道賒敦以秋實食以春華無耻下問乃致高車子孫  
千億廣樹厥家

評詩

沈約

詩病有八一日平頭第一第二字不得與第六第七字  
同聲如今日良宴會歡樂難具陳今歡皆平聲也二曰

上尾謂第五字不得與第十字同聲如青青河畔草鬱鬱園中柳草柳皆上聲也三曰蜂腰謂第二字不得與第五字同聲如聞君愛我甘竊欲自脩飾君甘皆平聲欲飾皆入聲也四曰鶴膝謂第五字不得與第十五字同聲如客從遠方來遺我一書札此言長相思下言久離別來思皆平聲五曰大韻如聲鳴爲韻上九字不得用驚傾平榮字六曰小韻除本韻一字外九字中不得兩字同韻如遙條不同句七曰旁紐八曰正紐謂十字內兩字雙聲爲正紐若不共一紐而有雙聲爲旁紐如

流久爲正紐流槓爲旁紐八種惟上尾鶴膝取忌餘病亦皆通

究竟慈悲論

沈約

釋氏之教義本慈悲慈悲之要全生爲重恕已因心以身觀物欲使抱識懷知之類愛生忌死之羣各遂厥宜得無遺天而俗迷日久淪惑難變革之一朝則疑怪莫啟設教立方每由漸致又以情嗜所深甘腴爲甚嗜深於情尤難頓革是故開設三淨用伸權道及涅槃後說立言將謝則大明隱惻貽厥將來夫肉食蠶衣爲方未

異害命天生事均理一淪蘭爛熳非可忍之痛懸厝經  
祖豈偏重之業而去取異情開抑姝與尋波討源良有  
未達漁人獻鮪肉食同有其緣泉妾登絲蠶衣共頌其  
分假手之義未姝通開之詳莫辯訪理求宗未知所造  
外典云五畝之宅樹之以桑則六十者可以衣帛矣雞  
豚犬彘勿失其時則七十者可以食肉矣然則五十九  
年以前所衣宣布矣六十九年以前所食宜蔬矣輕煖  
於身事旣難遣甘滋於口又非易忘對而爲言非有優  
劣宜泉麻果菜事等義同攘寒實腹曾無一異偏通繒

續當有別途請試言之 夫聖道隆深非思不洽仁被  
羣生理無偏漏拯羸去甚敎義斯急緇衣肉食非已則  
通及晚說大典弘宣妙訓禁肉之旨載現于言黜繒之  
義斷可知矣而禁淨之始猶通蠶葦蓋是敷說之儀各  
有次第亦猶闡提二義俱在一經兩說參差各隨敎立  
若執前迷後則闡提無入善之途禁淨通蠶則含生無  
頓免之望難者又以闡提入道聞之後說蠶葦宜禁曾  
無樂理大聖弘旨義豈徒然夫常住密奧傳譯遐阻泥  
洹始度咸謂已窮中出河西方知未盡關中晚說厥義

彌暢仰尋條流理非備足又案涅槃初說阿闍世王太  
迦葉阿難三部徒衆獨不來至旣而二人並來惟無迦  
葉迦葉佛大弟子不容不至而經無至文理非備盡昔  
涅槃未啓十數年間廬阜名僧已有蔬食者矣豈非乘  
心闡踐自與理合者哉且一朝裂帛可以終年烹宰待  
臨豆時引日然則一歲八蠶已驚其驟終朝未肉盡室  
驚嗟拯危濟苦先其所急教說次序義實在斯外聖又  
云一人不耕必有受其饑者故一人躬稼亦有受其飽  
焉桑野漁川事雖非已炮肉裂繒咸受其分自涅槃東



度三肉罷緣服膺至訓操業彌遠促命有殫長蔬靡慊  
秋禽夏卵比之如浮雲山毛海錯事同於腐鼠而繭衣  
纒服曾不懷疑此蓋慮窮於文字思迷於弘旨通方深  
信之客庶有鑒於斯理斯理一悟行迷克反斷蠶肉之  
因固蔬臬之業然則含生之類幾於免矣

牛蠶並有大功於人而皆不免鼎鑊余聞錫蘭國不  
食牛肉止食牛乳牛死即埋之私宰者罪死或輸金  
如牛首以贖罪又于闐國不殺蠶蛾飛盡乃得治繭  
彼其牛蠶顧獨何幸也

前侍真珠船

與沈約書

任昉

范僕射疾遂不救范侯淳孝睦友在家必聞直道正色  
立朝斯著一金之俸必徧親倫鍾庾之秩散之故舊佐  
命興王心力俱盡謀猷忠允諒誠匪躬破產而字外友  
之孤開門而延故人之殯則惟其常無得而稱矣雖用  
車馬無改平生之素憑論款對不易布素之交若斯人  
者豈云易遇昉將蒞此邦務在邁邁雖解駕流連再貽  
款顧將垂之際不忍告別無益離悲祇增今恨永念平  
生忽焉疇曩追尋笑緒皆成悲端

與沈約問聲韻書

陸厥

先是宋太子詹事范曄與諸甥侄書自論云性別宮商識清濁斯自然也觀古今文人多不全了此處縱有會此者不必從根本中來言之皆有實證非爲空談年少中謝莊最有其分手筆爽易文不拘韻故也吾思乃無定方特能濟艱難適輕重所稟之分猶當未盡但多公家之言少於事外遠致以此爲恨至齊永明末盛爲文章厥與沈約謝朓王融以氣類相推轂汝南周顒善識聲韻約等文皆用宮商以平上去

入爲四聲有平頭上尾蜂腰鶴膝五字之中音韻悉  
異兩句之內角徵不同不可增減世呼爲永明體沈  
約宋書謝靈運傳後又論其事云夫五色相宣八音  
協暢繇乎玄黃律呂各適物宜欲使宮商相變低昂  
互節若前有浮聲則後須切響一簡之內音韻盡殊  
兩句之中輕重悉異妙達此旨始可言文至於先士  
茂制諷高歷賞子建函京之作仲宣灞畤之篇子荆  
零雨之章正長朔風之句並直舉胸情非傍詩史正  
以音律調韻取高前式自靈均以來多歷年代雖文

體稍精而此秘未覩至於高言妙句音韻天成皆暗  
與理合匪繇思至張蔡曹王曾無先覺潘陸顏謝去  
之彌遠世之知音者有以得之厥意謂不然與約書  
約答之然約論四聲妙有詮辨而諸賦亦往往與聲  
韻平

范唐事自序性別宮商識清濁特能適輕重濟艱難古  
今文人多不全了斯處縱有會此者不必從根本中來  
尚書亦云自靈均以來此秘未覩或暗與理會匪繇思  
至張蔡曹王曾無先覺潘陸顏謝去之彌遠大旨欲官

商相變低昂互節若前有浮聲則後須切響一簡之內  
音韻盡殊兩句之中輕重悉異辭旣美矣理又善焉但  
觀歷代衆賢似不都聞此處而云此秘未覩近於誣乎  
紫范云不從根本中來尙書云匪繇思至斯則揣情謬  
於玄黃摘句著其音律也范又云時有會此者尙書云  
或聞與理合則美韵清謳有辭章調韻者雖有差謬亦  
有會合推此以往可得而言夫思有合離前哲同所不  
免文有開塞卽事不得無之子建所以好人譏彈士衡  
所以遺恨終篇旣曰遺恨非盡美之作理可詆訶君子

執其詆訶便謂合理爲闇豈如指其合理而寄詆訶爲  
遺恨邪自魏文屬論深以清濁爲言劉楨奏書大明體  
勢之致齟齬妥帖之談操末續顛之說興玄黃於律呂  
比五色之相宣苟此秘未覩茲論爲何所指邪愚謂前  
英已早識宮徵但未屈曲指的若今論所申至於掩瑕  
藏疾合少謬多則臨淄所云人之著述不能無病者也  
非知之而不改謂不改則不知斯曹陸又稱竭情多悔  
不可力強者也今許以有病有悔爲言則必自知無悔  
無病之地引其不了不合爲闇何獨誣其一合了一之

明乎意者亦質文時異今古好殊將急在情物而緩於章句情物文之所急美惡猶且相半章句意之所緩故合少謬多義兼於斯必非不知明矣長門上林殆非一家之賦洛神池鴈便成二體之作孟堅精正詠史無虧於東主平子恢富羽獵不累於憑虛王粲初征他文未能稱是楊修敏捷暑賦彌日不獻率意寡尤則事促乎一日翳翳愈伏而理賒於七步一人之思遲速天懸一家之文工拙壤隔何獨宮商律呂必責其如一邪論者乃可言未窮其致不得言曾無先覺也



沈約荅書

宮商之聲有五文字之別累萬以累萬之繁配五聲之韻高下低昂非思力所學又非止若斯而已也十字之文顛倒相配字不過十巧歷已不能盡何況復過於此者乎靈均以來未經用之於懷抱固無從得其髣髴矣若斯之妙而聖人不尙何邪此蓋曲折聲韻之巧無當於訓義非聖哲立言之所急也是以子雲譬之雕蟲篆刻云壯夫不爲自古辭人豈不知宮羽之殊商徵之別雖知五音之異而其中參差變動

所昧實多故鄙意所謂此秘未覩者也以此而推則知前世文士便未悟此處若以文章之音韻同絃管之聲曲則美惡妍媸不得頓相乖反譬猶子野操曲安得忽有闌緩失調之聲以洛神比陳思他賦有似異手之作故知天機啓則律呂自調六情滯則音律頓舛也士衡雖云炳若縹錦寧有濯色江波其中復有一片是衛文之服此則陸生之言卽復不盡者矣韻與不韻復有精麤輪扁不能言之老夫亦不盡辨此

與右率沈約書

樂藹

藹求爲豫章王碑文約荅書辭之建武中第二子子  
恪托約及太子詹事孔稚珪爲文

夫道宣餘烈竹帛有時先朽德孚遺事金石更非後亡  
丞相獨秀生民傍照日月標勝丘園素履穆於忠義譽  
應華衮功迹著於彌諸無得而稱理絕照載若夫日用  
闡寂雖無取於錙銖歲功弘達諒有寄於衡石竊承貴  
州士民或建碑表俾我荆南闕憾無地且作紀江漢道  
基分陝衣冠禮樂咸被後昆若其望碑盡禮我州之寶

俗傾壘罷肆鄙土之遺風庶幾前烈或不泯墜荆江湘  
三州策名不少並欲各率毫釐少申景慕斯文之託歷  
選惟疑必待文蔚辭宗德僉茂履非高明而誰豈能騁  
無愧之辭謝式瞻之望吾西州窮士一介寂寥恩周榮  
譽澤遍衣食永惟道廕日月就遠緬尋遺烈觸目崩心  
常謂福齊南山慶鍾仁壽吾儕小人貽塵帷蓋豈圖一  
旦遂投此請

沈約荅書

丞相風道引曠獨秀生民凝猷盛烈方軌伊旦勲遺

之感朝野同悲承當刊石紀功傳華千載宜湏盛述  
實允來談郭有道漢末之匹非蔡伯喈不足以偶三  
絕謝安石素族之台輔時無麗藻迄乃有碑無文况  
文獻王冠冕彝倫儀刑寓內自非一世辭宗難或與  
此約閭閻鄙人名不入第歛酬今旨便是以禮許人  
聞命慙顏已不覺汗之沾背也

與少傅沈約書

釋法雲

續高僧傳中書郎順陽范軫著神滅論羣僚未詳其  
理先以奏聞有敕令雲答之以宣示臣下雲乃遍與

朝士書論之文采雖異而理義倫通又與約書

弘明集作

與公王

朝貴書

主上今審神滅論今遣相呈夫神妙寂寥可知而不可說義經丘而未曉理涉旦而猶昏至人凝照有本襲道赴機垂審臣下旨訓周密孝享之祀旣彰榮懷曾史之慕三世之言復闡紂殷彼論之情預非草木誰不歔歛同挹風猷共加弘贊也

沈約答書

神本不滅久所服膺神滅之談良用駭惕近約法師

殿內亦蒙敕答一本懼受頂戴尋覽忘疲豈徒伏斯  
外道可以永離衆魔孔釋兼弘於是乎在實不刊之  
弘旨百代之舟航弟子亦卽彼論微厝疑覈比展具  
以呈也

爲揚州建安王讓司徒表

吳均

臣聞玄黃之馬事絕於銜鑣蟠朽之材飾垂於丹漆何  
則千里之志已窮萬乘之罷無取遠物近身於焉在譬

連珠二首

吳均

蓋聞豔麗居身而以蛾眉入妒貞華炤物而以絕等見

猶是以班姬辭寵非無妖冶之色楊子寂寞豈乏炫耀之才

蓋聞義夫投節未必識君烈士赴危非期要利是以墨子縈帶不蒙肉食之謀申胥泣血非有執圭之位

與朱元思書

吳均

風煙俱淨天山共色從流飄蕩任意東西自富陽至桐  
一一百許里奇山異水天下獨絕水皆縹碧千丈見底  
游魚細石直視無礙急湍甚箭猛浪若奔夾峰高山皆  
生寒樹負勢競上互相軒邈爭高直指千百成峰泉水



激石泠泠作響好鳥相鳴嚶嚶成韻蟬則千轉不窮猿  
則百叫無絕鸞飛戾天者望峰息心經綸世務者窺谷  
忘反橫柯上蔽在晝猶昏疎條交映有時見日

檄江神責周穆王壁文

吳均

昔穆王南巡自郢徂閩遺我文壁僉曰此津貫緯百紀  
薦歷千春念茲文壁故問水濱江漢勗之自求多蘊反  
我名瑞躍此華壁則富有漢川世爲江伯如有負穢心  
迷懷黷情賊藏玉泥中匿珪魚腹使公孫躡波而長吁  
子羽濟川而怒目飲飛舞劒而東臨菑丘躍馬而南逐

打素蛤而爲粉碎紫貝其如弼又有川人剪發還寺闔  
濮水居百里泥行萬宿右睨而河傾左咤而海覆乃把  
昆吾之銅純鉤之鐵被魚鱗之衣赴螺蚌之穴引澍東  
隅移樵北島使蓬萊之根鬱而生塵瀛洲之足淨而可  
掃按驪龍取其頷下之珠擲鯨魚拔其眼中之寶皇恩  
所被繁枯潤涸威之所加窮河絕漠願子三思反此明  
玉

食移

吳均

月光離畢風氣入箕細雨如網細柳如絲離隔東西之

怨眺望山川之阻企龍門而不見覽桂枝而延佇此乃  
方寸之恒情羗難得而覩縷也亦有鮑叔分財華歆讓  
位乃相知于平生實忘懷于寤寐鷄有呼羣之德鹿有  
食草之羨在微物其尙然況仁義之君子哉今足下居  
則廣廈高堂連閣洞房綺窓半卷屏風角張指天地如  
一指安知故人之可傷一歎一生乃知交情一貴一賤  
交情乃見謂古昔之恒談在今日而方見嗚呼如何忘  
我實多轍欲彈琴縱酒于首陽之阿君有廚中腐肉而僕不  
厭糟糠君有鴈鷺之食而余不得一嘗願以小人腹

爲君子之腸何如哉今欲君之餘江皐綠施之筍洞庭  
紫鱖之魚昆山龍胎之脯玄圃鳳足之藟千里蓴羹萬  
丈名膾氣馨若蘭色美如艾扶南甘蔗一丈三節白日  
炙便銷清風吹卽折安定之梨皮薄味厚一歲三花一  
枚二升凡厥上味惟君能施君若不施成君深累於神  
爲不祥於人爲僇義

餅說

吳均

宋公至長安得姚泓時故大官丞程季者了了人也公  
曰今日之食何者最先季曰仲秋御景離蟬欲靜爨爨

曉風淒淒夜冷臣當此景惟能說餅公曰善季乃稱曰  
安定噎鳩之麥洛陽董德之糜河東長若之葱隴西舐  
背之犢袍罕赤髓之羊張掖北門之豉然以銀屑煎以  
金鉗洞庭負霜之橘仇池連蒂之椒調以濟北之鹽割  
以新豐之鷄細如華山之玉屑白如梁甫之銀泥既聞  
香而口悶亦見色而心迷公曰善

齊春秋

吳均

叔庠齊梁世以史筆擅聲其稱梁武爲齊明帝佗命  
所謂在齊太史簡也余拾其百一有志於史者或取

焉

丘靈鞠善屬文宋孝武殷貴妃亡靈鞠上輓歌詩云雲  
橫廣陌闇霜深高殿寒帝摘句咨嗟賞之卽轉爲新安  
王北平中郎叅軍

孔靈產爲光祿大夫覽止足之分不肯仕太祖以白鹿  
毛扇素几遺之曰以君有古人風故賜卿古人之物也  
王曾祐字喬宗亭然獨立不交當代名士王思遠之徒  
託意請交並不降意自天子及侯伯未嘗與一人游焉  
宜都王銓字宣徹太祖第十六子善射嘗取甘蔗挿地

百步射之十發十中古之楊葉殆不能加

顧歡字玄平吳郡人也隱於會稽山陰白石村歡宿性  
仁愛素有道風其濟人也或以禳獸而多全護有病者  
造之歡問其家有書乎荅曰惟有孝經三篇歡曰取置  
病人枕邊恭敬之當自瘥如言而愈後問其故歡曰善  
禳禍正勝邪故爾

孟翼烏程人造正一論言佛之與道合一也

翼當作景翼

吳郡張融字思光臨終及塋徵士何點使汝南周英爲  
書與融謝藩見而歎曰此書雖漂若不倫亦自破的

宋元卿字希符早孤爲祖母所養祖病元卿在遠輒心痛大病則大痛小病則小痛如此常也

蕭晉字元卿蘭陵人家有賜書志學不倦

焦華父遺曾病甚冬中思瓜華忽夢人謂之曰聞爾父思瓜故送助養呼徒者進之華跪受寤而瓜在手香非常也父食之而病愈

劉靈哲字文明母病祈禱至多忽夢一人以藥與之曰煎服卽差驚寤于枕間得所夢之藥似竹根服之立差餘恨於齋前種葉似鳬茨莫有識者



蕭叔明字景儕母風病積年晝夜祈禱時寒叔明下淚  
爲冰筋額上叩血出冰不流忽有一人以小石函授之  
因此能治丈夫百病叔明受忽不見人以函奉母唯有  
三寸絹丹書爲日月字母卽平愈

解叔謙字楚梁母有疾于夜庭中祈祠聞空中云此疾  
無他得丁公滕爲酒便差卽詣醫及本草皆無識者乃  
求訪至宜都遙觀山中一老翁伐木問其所用荅曰此  
丁公滕治風尤驗叔謙伏地流涕此公與之四段并示  
漬酒法叔謙拜領受之復視翁不見依法爲酒母疾頓

愈

徐州刺史陳顯達有膽氣好弓馬頗閒草隸

王僧虔性甚方直遠近望之咸曰如水鏡也

齊景真爲晉平太守有惠政嘗懸一蒲鞭未嘗用之

戴僧靜永興人臨湘侯副太祖在淮陰雅有人鑒見而

賞之會匈奴卒至僧靜應募出騎單刀直前虜卽奔退

人斬三級時天盛寒乃脫衣口啣三頭以刀背而浮

臨湘侯大賞之曰殺三人亦可反命矣進之於太祖石

頭之役功冠諸將遂至貴顯

檀超字悅祖少負氣始爲南徐州西曹書佐與別駕蕭  
惠開抗禮惠開自以地位居前稍相凌駕而超舉動嘯  
傲不以地勢推之張洎謂惠開曰我與卿並有何等名  
閥俱國家微賤時外戚耳何足以一爵高人惠開欣然  
更爲刎頸之交

南齊時荊州城東天子井出錦手時士女取用與常錦  
不異經月乃歇

晉安王子懋字雲昌武帝子也年七歲時母阮叔媛常  
病危篤請僧行道有獻蓮花供佛者衆僧以銅罍盛水

華更鮮子慙流涕禮佛誓曰若使阿姨獲祐願華竟齋  
如故七日齋畢華更鮮紅看視髻中稍有根鬚阮病尋  
差世稱其孝感

桓閔字叔道太祖輔政使褚淵致意爲子晃求女婚閔  
不敢聞命曰辭霍不婚常所嘉揖齊大非偶所以不敢  
承殊眷太祖雖嘉其退讓而心不能懽也

王儉謂石碑不出禮典起宋元嘉顏延之爲王琳碑石  
明帝不豫南康王琳于第賜歿獨江泌守戶晝夜號泣  
悲動路人于時諸王並見誅剪故舊無敢瞻看唯泌及

衡陽王子浚侍讀嚴植各爲管理喪事時人高其節  
劉璉字子敬耿介好禮嘗與故人共車於津陽內見一  
女子容姿甚麗盼睐之璉因抽坐席懸車中以隔絕之  
其正如此

劉獻字子圭沛國相人晉丹陽尹惔六世孫也五歲聞  
舅孔昭先讀管寧傳欣然更請讀因聽受曰可及此耳  
江泌字士深濟陽考城人有孝行同族有一人與泌同  
名世謂泌爲孝泌以別之

爲范尚書拜表

丘遲

昔滕公移晷于泗亭陳遂畱懼於博進祿止一守官窮  
九列臣獲照秋陽取沃淮海發蒙去羸已若松喬匪富  
伊榮須臾至此賞參十亂躬越五水歷覽前載孰與爲  
匹

爲范衛軍讓梁臺侍中表

丘遲

懷鉛蚤歲不以隕穫累心躡履晚年豈以充誦在念易  
農伊泰仕焉已幸遂復分竹九疑擁旌百越值天地中  
開神武再廓脉絲是蓄管蒯靡遺今霸運肇基四海明  
目樞鏡規獻實在得人况處庸微何用膺荷

爲何尚書重讓侍中領驍騎表

丘遲

臣擢自散輩之中寘彼周行之上旣慚伯蒙使天下愼  
選又乖平叔令內外得人且玉壺獨掌見榮昌期  
可叅必簡英俊

爲柳僕射讓光祿表

丘遲

竊聞敬孫以規獻爲職藝品常貴飛翠鳴玉升降禁明  
臣以羸疾豈伊或忝匪稱其服終朝三褫近取諸身皎  
日非喻臣之庸薄久塵物論假以克壯報效無階而嬰  
離沈痼日月滋甚聖明留眷履之舊愍降帷蓋之餘矜

榮不徒行事存寵渥

爲王博士讓表

丘遲

臣聞撫臆可以言心量能則知所止是故矯親魯門簡業事亡雜吹齊雅分聲遽逝臣才行過汗文質無蕪疎達謝于谷杜浹洽垂夫劉楊非除部養之勤豈通掌故之業

永嘉郡教

丘遲

貴郡控帶山海利兼水陸實東南之沃壤一都之巨會而曝背拘牛屢空於猷畝績麻治絲無聞于窰巷其有



耕灌不修桑榆靡樹遨遊鄧里酣醕卒歲越伍垂隣流  
宕忘返才異相如而四壁獨立高慚仲蔚而三徑没人  
雖謝文翁之正俗庶幾龔遂之移風

荅舉秀才啟

丘遲

方今八友盈庭五承在幃七教畢修九功具舉猶乃物  
色關屏夢想巖釣故已天不愛寶野無遺賢輒仰宣皇  
猷俯鑒愚蔽覘察衡閭詢事茅草如有片言入善一介  
自道謹聞絳闕恭奏青蒲

爲范雲謝示毛龜啟

丘遲

玄甲應于姬渚青鞵符于夏室翔翔卷耳之陰浮游蓮  
葉之上藏采千載獻狀一朝斯誠陛下至德動天窮神  
爲化故能寶瑞開圖珍祥映謀懷星抱月負字銜書間  
出蕃畿繼踵郊甸

與陳伯之書

丘遲

伯之齊江州刺史梁武說降之建康平伯之還鎮謀  
反兵敗亡命入魏魏以爲都督淮南軍事臨川王宏  
北討遲爲叅軍領記室命遲與伯之書伯之歸梁遲  
拜中書郎

遲頃首陳將軍足下無恙幸甚幸甚將軍勇冠三軍才  
爲世出棄鸞雀之小志慕鴻鵠以高翔昔因機變化遭  
遇時主立功立事開國稱孤朱輪華轂擁旄萬里何其  
壯也如何一旦爲奔亡之虜聞鳴鏑而股戰對穹廬以  
屈膝又何劣邪尋君去就之際非有他故直以不能內  
審諸已外受流言沈迷猖獗以至于此聖朝赦罪責功  
棄瑕錄用推赤心於天下安反側於萬物此將軍之所  
知非假僕一二談也朱鮪涉血于友于張繡剗刃於愛  
子漢主不以爲疑魏君待之若舊況將軍無昔人之罪

而勲重於當代夫迷塗知反往哲是與不遠而復先典  
攸高主上屈法申恩吞舟是漏將軍松柏不翦親戚安  
居高堂未傾愛妾尚在悠悠爾心亦何可言今功臣名  
將鴈行有序佩紫懷黃讚帷幄之謀乘輅建節奉疆場  
之任並刑馬作誓傳之子孫將軍獨覲顏借命馳驅氈  
裘之長寧不衰哉夫以慕容超之強身送東市姚泓之  
盛面縛西都故知霜露所均不育異類姬漢舊邦無取  
雜種北虜僭盜中原多歷年所惡積禍盈理至焦爛况  
僞孽昏狡自相夷戮部落攜離酋豪猜貳方當繫頸轢

即懸首藁街而將軍魚游於沸鼎之中鷺巢於飛幕之上不亦惑乎暮春三月江南草長雜花生樹羣鷺亂飛見故國之旗鼓感生平於疇日撫弦登俾豈不愴恨所以廢公之思趙將吳子之泣西河人之情也將軍獨無情哉想早勵良規自求多福當今皇帝盛明天下安樂白環西獻楷矢東來夜郎滇池解辯請職朝鮮昌海厥角受化惟北狄野心崛強沙塞之間欲延歲月之命耳中軍臨川殿下明德茂親總茲戎重方弔民洛汭伐罪秦中若遂不改方思僕言聊布往懷君其詳之丘遲頓

首

侍中吏部尚書何府君誄

丘遲

遠量夷雅淹姿英茂進德方新循名以舊分鑠先達爭  
驅俊秀匪直羽儀實惟領袖知人斯哲在帝之難僉謂  
往諧是謂能官園阿望幣釣嶼投竿金張之貴允茲七  
侍有美一人柔貂三珥服冕乘軒鳴玉飛翠不貪爲寶  
貴而能貧惟靜是悅惟寂是珍履信茲從積善方慶如  
何斯德曾是知命彼高者天與人焉昧眇望周行式瞻  
林壑灑沃紛埃擯揚流俗言必玄遠神惟珠玉色恬喜

愠心豈榮辱

硯銘

丘遲

水平

壁

頽

四  
賦  
四

荅神滅論啟

丘仲孚

伏覽勅首荅臣下審神滅論聖照淵深句括真俗理超  
繫表義貫羣識鑽奉神猷伏深舞蹈惠示銜戢存眷丘  
仲孚白

大梁皇帝立神明成佛義記序注

沈 續

夫神道冥默宜尼固已絕言心數理妙柱史又所未說  
非聖智不周近情難用語遠故也是以先代玄儒談遺  
宿業後世通辯亦淪滯來身非夫天下之極慮何得而  
詳焉故惑者聞識神不斷而全謂之常聞心念不常而  
全謂之斷云斷則迷其性常云常則惑其用斷因用疑  
本謂在本可滅因本疑用謂在用弗移莫能精求互起  
偏執乃使天然覺性自沒浮談聖王稟以玄符御茲大  
寶覺先天垂則觀民設化將恐支離詭辯構義橫流微



叙繁絲伊誰能振釋教遺文其將喪矣是以著斯雅論以弘至典續早念身空棲心內教每餐法音用忘寢疾而闇情難曉觸理多疑至於佛性大義頃迷心路旣天誥遠流預同撫覲萬夜獲開千昏永曙分除之疑朗然俱澈竊惟事與理亨無物不識用隨道合奚心不辨故行雲徘徊猶感美音之和游魚踴躍尙賞清絲之韻況以入神之妙發自天衷此臣所以舞之蹈之而不能自已者也敢以膚受謹爲泐釋豈伊雖管用窮天奧庶幾罔惑所以釋焉

大涉行本乎立信

臣績曰夫愚心闇識必發大明明不歛起起必由行  
行不自修修必由信信者憑師使理無違之心也故  
五根以一信爲本四信以不違爲宗宗信旣立萬善  
自行行善造果謂之行也

信立由乎正解

臣績曰夫邪正不辨將何取信故立信之本資乎正  
解

解正則外邪莫擾

臣績曰信一心者則萬邪滅矣是知內懷正見則外邪莫動也

信立則內識無疑

臣績曰識者心也故成實論云心意識體一而異名心旣信矣將何疑乎

然信解所依其宗有在

臣績曰依者憑也夫安心有本則枝行自從有本之旨顯乎下句也

何者源神明以不斷爲精精神必歸妙果

臣績曰神而有盡寧謂神乎故經云吾見歿者形壞  
體化而神不滅隨行善惡禍福自追此卽不滅斷之  
義也若化同草木則豈曰精乎以其不斷故終歸妙  
極憑心此地則觸理皆明明於衆理何行不成信解  
之宗此之謂也

妙果體極常住精神不免無常

臣績曰妙果明理已足所以體唯極常精神涉行未  
滿故知不免遷變

無常者前滅後生剎那不住者也

臣續曰剎那是天竺國音迅速之極名也生而卽滅  
寧有住乎故淨名歎曰比丘卽時生老滅矣

若心用心於攀緣前識必異後者斯則與境俱往誰成  
佛乎

臣續曰夫心隨境動是其外用後雖續前終非實證  
故知神識之性湛然不移故終歸於妙果矣

經云心爲正因終成佛果

臣續曰畧語佛因其義有二一曰緣因二曰止因緣  
者萬善是也正者神識是也萬善有助發之功故曰

緣因神識是其正本故曰正因經旣云終成佛果則  
驗不斷明矣

又言若無明轉則變成明案此經意理如可求何者夫  
心爲用本本一而用殊殊用自有興廢一本之性不移  
臣績曰陶沐塵穢本識則明明闇相易謂之變也若  
前去後來非變之謂

一本者卽無明神明也

臣績曰神明本暗故卽以無明爲因

尋無明之稱非太虛之目土石無情豈無明之謂

臣績曰夫別了善惡匪心不知明審是非匪情莫識太虛無情故不明愚智土石無心寧辨解惑故知解惑存乎有心愚智在乎有識既謂無明則義在心矣故知識慮應明體不免惑惑慮不知故曰無明

臣績曰明爲本性所以應明識染外塵故內不免惑惑而不了乃謂無明因斯致稱豈旨空也哉

而無明體上有生有滅生滅是其異用無明心義不改臣績曰既有其體便有其用語非體論體非川用有興廢體無生滅者也

將恐見其用異便謂心隨境滅

臣績曰惑者迷其體用故不能精何者夫體之與用  
不離不卽離體無用故云不離用義非體故云不卽  
見其不離而迷其不卽迷其不卽便謂心隨境滅  
故繼無明名下加以住地之目此顯無明卽是神明神  
明性不遷也

臣績曰無明係以住地蓋是斥其迷體而抱惑之徒  
未曾諭也

何以知然如前心作無間重惡後識起非想妙善善惡



之理大懸而前後相去甚迥斯用果無一本安得如此相續

臣績曰不有一本則用無所依而惑者見其顛續爲一故舉大善斥相續之迷

是知前惡自滅惑識不移後善雖生暗心莫改

臣績曰未嘗以善惡生滅虧其本也

故經言若與煩惱諸總俱者名爲無明若與一切善法俱者名之爲明豈非心識性一隨緣異乎

臣績曰若善惡互起豈謂俱乎而恒對其言而常迷

其旨故舉此要文以曉羣惑

故知生滅遷變酬於往因善惡交謝生平現境

臣續曰生滅由於本業非現境使之然善惡生於今境非本業令其然也

而心爲其本未曾異矣

臣續曰雖復用由不同其體莫異

以其用本不斷故成佛之理皎然隨境遷謝故生歿可盡明矣

臣續曰成佛皎然扶其本也生歿可盡由其用也若

用而無本則滅而不成若本而無用則成無所滅矣

荅神臧論啟

沈 績

弟子績和南霽示勅荅臣下神臧論伏深欣躍弟子竊  
惟道不自弘弘實由人人頌其識識須其位周鈔所稱  
聖人大寶曰位豈其意乎然或位而不人或人而不位  
三者云脩其理至難故宣尼絕筆於獲麟孟軻反身於  
天爵誠無其位也嗚呼真化殆將淪沒今天子以仁聖  
盛明據至尊之位蓋層山可以衆煦飄其和不可移也  
鐘鼓可以難純亂其鳴不可聞也將使懔懔黔首濟其

長夜自非德合天地誰能若斯弟子早沐虛風既聞之  
矣然而燕雀之集猶或相昏飛蓬之門尙自交構聖旨  
爰降辭高理愜敦以人天之善誠以莫大之刑一言作  
訓內外俱闡夫以孺子入井凡民猶或傷之況乃聖慈  
御物必以惻隱爲心邪能指白馬之非白猶見屈於中  
庸至於神享機外志存弘化魍魎摧其頰舌焉足道哉  
神曠天貴本非窺觀遂能存示用慚寡德弟子沈續和  
南

太子僕射簡寂觀碑

沈璇

夫太清與絕上玄秘遠存主莫究化匿無方改陵谷於  
崇朝變椿齡於終食邈矣悠哉罕測其宗者矣若廼煉  
質歸真瑩情逐俗控八龍而朝四聖擁三蓋而役羣英  
就跡非神求心在德然而著慾滯累傷生惑性名利翫  
習奪志擾心李王莫追曼倩已遠游溺難戒井甌易徵  
自非託隱幽棲憑高面沼聲跡絕象風馬無津觀榮落  
而翬游隱雲煙而慕遠豈能濯穢歸真因枝表實七變  
化體九易移顏文生五臟花開六府奏瓊笈於紫臺披  
金篆於碧室者乎三洞瀟師修靜心懷寬慈性蓄兼善

忘爲棲住誠隆閣教投裝樂土解橐靈山以宋大明五  
年置館於廬山高嶺夫止煩曰簡遠置在寂卽義表名  
因心顯號前陳蠡壑積水浮天却據匡山層巖入極瞰  
七澤真猶掌瞻九河真如帶物色盈眸煙霞滿矚夕魂  
東引曉魄西延邛視奔星俯觀駭電乃緣崑崙宇依平  
考室卽嶺成封因夷置埤聳損互圖升降相臨峻坂六  
層傾沚九折丹崖翠壁削刺殊形八峰七嶺參差異色  
飛溜垂虹積清似素輕羅散霧接綠成帷春林綰錦冬  
崑挺翠朝猿永嘯夕鳥攢吟町疇馴堦頽頽滿袖晨桴

曉出聲彷彿其既聞玉闕金臺路寂寥而方啟豈直杏  
林重茂匡君接迹而已哉俗滓難排靈跡易隱俄而先  
生托身劍杖飛迹壺天遺文餘記盈滕委篋摘玄宗之  
奧旨暢秘訣之幽玄是以通神間出參徽繼軫而三芝  
興遠非足迹所到九丹秘絕匪俗聽所聞故功過則遷  
道至斯匿三洞弟子王道恩諳此遺塵範茲棄井欲科  
進明練餌養精淳方且浴日餐霞飛金化玉曳屣越壑  
躡霄升雲常慮末俗風頽後生志弱忘跬步之致遠閤  
尺木之騰空所以式鐫往訓敬詔來哲無謂世隔神路

則選相弊道術義非疇矣區滕洞府庶契冥緣攜手神  
州佇伸嘉好乃作銘曰

三才並用萬品俱陳造物在象成務由人銓功等義拂  
命非鄰猗歟先哲觀實排實練偏返妙養脆歸真愍斯  
輕菌雷茲妙訣九曲五枝玄霜赤雪援神鳳舉託迹蟬  
蛻曰成輪奐爰儼裳袂羽衣優游雲旌容齋法無難易  
志有浮真囂靜係迹躁溢緣情棲巖協遷飲澗資清道  
基松木業著芝瓊絃塵屏累遣受遺榮神明濟濟靈壇  
肅肅念薦興翹形祗永鞠白雲宵動芳煙夜簇來駕斑



龍去留寶牘茂德長鐫清芳永馥

故左民尚書忠子沈僧旻墓志銘

張纘

漸東振古龜組三襲政若解繩吏如燥濕斗升龍管四  
至九卿居高首映比德

明

張按僧旻當作僧旻兒陳書沈君理傳

興僕射徐勉薦吳興沈峻書

陸倕

五經博士庾季達須換計公家必欲詳擇其人凡聖賢  
可講之書必以周官立義則周官一書實爲羣經源本  
此學不傳多歷年世北人孫詳蔣顯亦經聽習而音聲

夏故學徒不至惟助教沈峻特精此書比日時聞講  
肄羣儒劉出沈宏沈熊之徒並執經下坐北面受業莫  
不歎服人無間言第謂宜卽用此人命其專此一學周  
而復始使聖人正典廢而更興累世絕業傳於學者

吳興藝文補卷之四